

BOSNA I HERCEGOVINA
Federacija Bosne i Hercegovine
UNSKO SANSKI KANTON
OPĆINA BOSANSKA KRUPA



DOPUNA

SLUŽBENI GLASNIK

Općina Bosanska Krupa

**Godina XVIII –
Broj 3.dopuna**

**18. april 2012. godina
Bosanska Krupa**

**Izdaje se na
bosanskom jeziku**

Sadržaj

R/B.	NAZIV AKTA	Br.str.
1.	<i>Odluka o zamjeni nekretnina</i>	326.
2.	<i>Odluka o izmjeni odluke o zamjeni nekretnina</i>	326.

Na osnovu člana 21. stav 1. tačka 1) Zakona o lokalnoj samoupravi Unsko-sanskog kantona ("Službeni glasnik Unsko-sanskog kantona", broj: 8/11), člana 2. stav 2. Zakona o prometu nepokretnosti („Službeni list RBiH“, broj: 38/78, 21/92) i člana 28. stav 1. tačka 7. Statuta općine Bosanska Krupa („Službeni glasnik Općine Bosanska Krupa“, broj: 3/08), a u vezi sa Zaključkom Općinskog vijeća broj: 01/V-02-5228-11/11 od 26.10.2011. godine, uz prethodno pribavljeno mišljenje Općinskog pravobranilaštva, Općinsko vijeće općine Bosanska Krupa na XLVI sjednici održanoj dana 29.12.2011. donosi:

O D L U K U **o zamjeni nekretnina**

Član 1.

Ovom odlukom vrši se zamjena nekretnina i to:

1. Stan broj 4 koji se nalazi u ulici Patriotske lige, SP 81-83, ulaz II, prizemlje, koji se sastoji od dvije sobe, kuhinje sa terpezarijom, hodnika, kupatila, ukupne korisne površine 50,00 m², a koji se nalazi u vlasništvu općine Bosanska Krupa.

Navedena nekretnina zamjenjuje se za kuću sa pripadajućim zemljištem i garažom lociranim u ulici Branilaca grada bb na k.o. broj: 5/171-10, upisanim u PL broj: 3764, bez pristupnog puta, vlasništva Begić Rasime (1/2) i Begić Šejle (1/2), ukupne površine 520 m².

Član 2.

Tržišnu vrijednost nekretnina, koje su predmet zamjene, utvrdio je vještak građevinske struke, registrovan kod Federalnog ministarstva pravde, sa danom 01.12.2011. godine i to: stan u ulici Patriotske lige, SP 81-83 – 29.063,00 KM, a tržišna vrijednost kuće sa pripadajućim zemljištem iznosi 103.688,00 KM.

Član 3.

Ovlašćuje se predsjedavajući Općinskog vijeća Općine Bosanska Krupa da nakon stupanja na snagu ove Odluke, kod notara, u ime općine Bosanska Krupa, zaključi Ugovor o zamjeni nekretnina iz člana 1. ove Odluke, kojim će se definisati svi elementi ovog pravnog posla, odnosno prava i obaveze ugovornika.

Član 4.

Za realizaciju ove odluke zadužuje se predsjedavajući Općinskog vijeća i Služba za komunalno-stambene poslove i infrastrukturu.

Član 5.

Ova odluka stupa na snagu danom objavljivanja u „Službenom glasniku općine Bosanska Krupa“.

Broj: 01/V-02-6238-8-1/11.

Dana: 29.12.2011.godine

PREDSJEDAVAJUĆI
OPĆINSKOG VIJEĆA

Srdić Dragoljub dipl. ecc. s.r.

Na osnovu člana 21. stav 1. tačka 1) Zakona o lokalnoj samoupravi Unsko-sanskog kantona ("Službeni glasnik Unsko-sanskog kantona", broj: 8/11), člana 2. stav 2. Zakona o prometu nepokretnosti („Službeni list RBiH“, broj: 38/78, 21/92) i člana 28. stav 1. tačka 7. Statuta općine Bosanska Krupa („Službeni glasnik Općine Bosanska Krupa“, broj: 3/08), a na prijedlog Predsjedavajućeg općinskog vijeća, Općinsko vijeće općine Bosanska Krupa na XLIX sjednici održanoj dana 27.03.2012. donosi:

O D L U K U **o izmjeni Odluke o zamjeni nekretnina**

Član 1.

Ovom odlukom vrši se Izmjena Odluke o zamjeni nekretnina broj: 01/V-02-6238-8-1/11. od 29.12.2011.godine u članu 3. i to:

Riječi: "Predsjedavajući Općinskog vijeća općine Bosanska Krupa" zamjenjuju se riječima: Općinski načelnik općine Bosanska Krupa"

Član 2.

Ova odluka stupa na snagu danom objavljivanja u „Službenom glasniku općine Bosanska Krupa“.

Broj: 01/V-02-1540-10-1/12.

Dana: 27.03.2012.godine

PREDSJEDAVAJUĆI
OPĆINSKOG VIJEĆA

Srdić Dragoljub dipl. ecc. s.r.
